



**R. P. Christiani Mayer E Societate Iesv, Diarivm  
Meditationvm, De Præcipvis Vitæ Christi mysteriis**

**Mayer, Christian**

**Coloniæ Agrippinæ, 1635**

4. De Gaudio Sanctissimæ humanitatis Christi ex participatione gloriæ  
aliorum Beatorum
- 

[urn:nbn:de:hbz:466:1-60091](#)

*De gaudio SS. humanitatis Christi, ex  
participatione gloriae aliorum  
Beatorum.*

I. **E**xpende, quām ineffabile gaudium Christus perceperit, æternūque percepturus sit, ex tanta gloria, tot, non solum beatorum Spirituum, sed etiam, & quidem maxime, tot hominum, corpore & animâ vñquam glorificandorum, & quidem tantò eminentius præ ceteris Beatis. 1. Quod clarius omnes & singulos singulorum Beatorum, tam essentialis quam accidētalis gloriae gradus peruidet. 2. Quod tenerius singulos amat, 3. Quod magis singulorum, maxime hominum, tanto prelio à se redemptorum gloria ad ipsum pertinet, cum eam singulis, cum omnibus medijs ad illam consequendam requiritis, promeruerit. Si ergo singuli Beati ex aliorum gloria magno hauriant gaudium, quam immensum hauriet Auctor glorię singulorū Christus? Congratulatio, zelus eximiae perfectionis ad augendum gaudium Christi, quod percipit ex sublimiore gloria cuiusque Sancti.

II. Quam immensum sit eiusdē Christi Domini gaudium de gloria ex totam-

cāmque diuersis omnium & singulorū  
Beatorum & beatificandorum tam es-  
sentialis, quam accidentalis beatitudi-  
nis brauijs in æternum Patrem redun-  
dante : cum ex ijs omnibus infinita  
eius potentia, sapientia, bonitas, mi-  
sericordia, liberalitas, charitas, aliæq;  
perfectiones clarissimè resplendeant,  
totamque curiam cælestem in admi-  
rationem, amorem, laudationemque  
eius validissimè rapiant. Tantò por-  
rò hoc gaudium eius est, æternumq;  
erit maius, 1. Quò euidentius Patrem  
infinito honore, amoreque dignissi-  
mum esse cognoscit. Quò int̄essus  
illum, vtpotè infinitè amabilem dili-  
git. 3. Quò zelosius eundem ab om-  
nibus agnosci, suspici, amari & glori-  
ficari expetit.

Quām iure igitur tibi ad laborandum  
erit, vt hoc sanctissimum Christi Do-  
mini gaudium assiduo studio eximiæ  
perfectionis propriæ alienæque pro-  
mouendæ adaugeas, zelumque diuini  
honoris & amoris in dies magis in-  
tendas; quem æternū tecum Chri-  
sto continuaturum speras? Gaudium  
de omnimoda glorificatione Dei, ze-  
lus diuini honoris, & eximiæ perfe-  
ctionis.

Bb 5

III, Quan-

III. Quanto tandem inestimabilius sit gaudium, quod Christus, quam homo, percipit, eternumque percipiet ex infinita diuinæ Maiestatis & incomprehensibili beatitudine, quam seipsum plenissimè comprehendit, beatissimè diligit, diuinissimè seipso fruens & nullius indigens æternum conquiescit, idq; ferè ob prædictas causas: 1. Quod præ omnibus beatis longè intimius hanc infinitam Dei beatitatem penetrat. 2. Quod longè eminentius ipsum & omne eius bonum amet. 3. Quod longè excellentiori modo, præ ceteris, eandem beatitudinem participet. Gaudium de hoc tanto gaudio Christi, & infinita beatitate Dei, amor eiusdem cum spe similis gaudijs participandi.

*De gloria animæ cuiusq; Electi.*

V.

I. Expende, 1. Quam immensa sit beatitudo animæ diligentis Deum promissa, quoad omnem dimensionem. Nam 1. Quoad latitudinem, extendit se ad omnia genera malorum, misericordiarum & penarum damni & sensus, quibus caret: & ad omnia genera bonorum, diuitarum, deliciarum & honorum quibus abundat: ad omnes animæ.